

賦日東曲十首問海上僧僧多不能答時辛酉冬十月也○中 其三

絶入層霄富士岩蟠根直壓三州間六月雪花翻素毳何處深林覓白鷗富士國中最高山六月山上有雪三州謂豆駿相也

〔士峯錄六〕題富士山

朝鮮松雲大師慶長十年歲在乙巳來朝獻真

是山耶又是雲耶亘一由旬天一涯老眼分明看不得峯頭雪似霧中花

題富士山

寬永元年歲在甲子冬十二月朝鮮專正副三使來朝而往東武製之

通議大夫鄭山鄭豈立蔚潭

瀛海東頭第一峯亭亭玉立鎮鴻濛半天不霽千年雪大地長鳴萬壑風稜氣遙撐南斗外寒光直射北溟中若爲羽化凌高頂故國山河眼底窮

同

通議大夫姜弘重溪龍

曾展輿圖認富山此來天外見真顏根盤百里臨滄海雪壓孤峯掩翠鬢翔翥却疑群鶴舞去來唯有白雲閑還將玉柱撐南極千古長寒宇宙間

同

辛啓榮孤山

融液專凝日域東花峰突兀浮口空頂留晴雪天衢近腰帶歸雲地勢崇俯壓千山殊不讓孤撐一氣獨爲雄却疑玉柱擎南極冷影玲瓏落照中

富士山

清楮

海國山王是此山遠臨西洛近東關群峯下列皆侯伯萬古高名配淺間

〔大猷院殿御實紀附錄二〕あるとき富嶽のいとよく晴渡りたるを見玉ひ酒井讚岐守忠勝にいか
にとのたまふ忠勝丸く白くいと面白き山なりといふ松平伊豆守信綱は三國一の山といひな
らはせし如くげにたぐひなき様なりといふ柳生但馬守宗矩をめしてとはせ玉ふに宗矩劔法
の心もて思ひはかるにそのおもしろさ何といふべき詞も侍らすと答奉れば公さなりわがお
もふ所もおなじとのたまひてゑつばにいらせ玉ひしとぞ